

Morning Dogri (NSD) National News Bulletin 05-11-2024

आकाशवाणी

- कनाडा च हिंदू मंदरै पर होए दे हमले बारे प्रधानमंत्री नरेन्द्र मोदी होरें आखेआ जे हिंसा कारण मुख्यै दे निश्चय उपपर कोई असर नेई पौग।
- राष्ट्रपति द्रौपदी मुर्मू होर अज्ज नमीं दिल्ली च पैहले एशियाई बौद्ध शिखर सम्मेलन च हिस्सा लैंगन।
- भारतीय रेलवे मुख्यै बक्ख-बक्ख हिस्से च दिल्ली-एनसीआर थमां ध्यारें सरबंधी 22 विशेष रेलगड्डियां चला'रदी ऐ।
- अमरीका च नमां राष्ट्रपति चुनने लेई अज्ज मतदान होग।
- भारतीय फिल्म ते टेलीविजन संस्थान एफटीआईआई दे इक विद्यार्थी दी फिल्म Sunflowers were the First Ones ti know नै ऑस्कर दी लाइव एक्शन लघु फिल्म श्रेणी आस्तै क्वालीफाई करी लैता ऐ।
- टेनिस च भारत दे रित्विक चौधरी बोलीपल्ली अपने जोड़ीदार कन्नै फ्रांस च खेड्डी जा'रदी मोसेल ओपन दे मर्दे दे डबल्स क्वार्टफाईनल च पुज्जी गे न।

<><><><><><>

PM Canada

प्रधानमंत्री नरेन्द्र मोदी होरें कनाडा च इक हिंदू मंदरै पर होए दे हमले दी सख्त लफजें च निंदेया कीती ऐ। प्रधानमंत्री होर सोशल मीडिया पोस्ट च आखेआ जे भारतीय राजनियकें गी धमकाने दी कोशश बी कायराना हरकत ऐ। उनें आखेआ जे हिंसा दिएं ऐसियां घटना मुख्य दा संकल्प कमजोर नेई करी सकदियां। मोदी होरें कनाडा सरकार दी इस मामले च न्यांह जकीनी बनाने लेई आखेआ।

<><><><><><>

PM-Rally

प्रधानमंत्री मोदी 8 थमां 14 नवम्बर तगर महाराष्ट्र च विधानसभा चुनां आस्तै केई रैलिणं गी संबोधत करगंन। भारतीय जनता पार्टी दे प्रदेश अध्यक्ष चन्द्रशेखर बावनकुले होरें दस्सेआ जे इस दरान मोदी हुंदा 11 रैलिणं गी संबोधत करने दा कार्यक्रम ऐ। एह्दे मूजब ओह 8 नवम्बर गी धुलें ते नासिक, 9 नवम्बर गी अकोला ते नांदेड, 12 नवम्बर गी चन्द्रपुर, चिमूर, सोलापुर ते पुणे ते 14 नवम्बर गी संभाजीनगर, नवी मुंबई ते मुंबई च चुनावी सभा करगंन।

<><><><><><>

President

राष्ट्रपति द्रौपदी मुर्मू होरें अज्ज नमीं दिल्ली च पैहले एशियाई बौद्ध सम्मेलन च हिस्सा लेंगन। 2 दिन दा एह् सम्मेलन बौद्ध धर्म दी समृद्ध विरासत दी रेखाकित करोग। बौद्ध मत दे विशिष्ट प्रतिनिधि, विद्वान ते अनुयायी एह्दे च शामिल होंगन। बैठक दरान बौद्ध समुदाय दे सामने आवा'रदी चुनौतिणं दे हल पर खास तौर पर बचार बमर्श होग। संस्कृति मंत्रालय नै अंतर्राष्ट्रीय बौद्ध परिसंघ दे सैह्योग कन्नै इस सम्मेलन दा आयोजन कीता ऐ। सम्मेलन दा विशे सार ऐ—एशिया गी मजबूत करने च बौद्ध धम्म दी भूमका।

<><><><><><>

Railway Special Trains

ध्यारें आले समें दरान यात्रिणं दी सहूलत आस्तै रेलवे दिल्ली—एनसीआर थमां मुख्य दे बक्ख—बक्ख हिस्से आस्तै 22 रेल गडिडयां चला'रदा ऐ। इंदे च सहारसा, जयनगर, पटना, मुज्जफराबाद, गौरखपुर, दरभंगा, सिकंदराबाद ते माल्डा टाउन लेई गडिडयां शामिल न। छठ पूजा लेई रेलवे आस्सेआ इस म्हीने दी 2 तरीक थमां 8 तरीक तगर 145 बाद्धू रेल गडिडयां चलाइयां जा'रदियां न। रेलवे आस्सेआ चलाई जा'रदिणं इनें रेल गडिडए कन्नै 2 लक्ख यात्रुणं गी हर रोज यात्रा च सहूलत होग। भारतीय रेलवे पैहली अक्तूबर थमां 30 नवम्बर बश्कार तकरीबन 7 जहार खास रेल गडिडयां चला'रदा ऐ। इस दरान तकरीबन 1 करोड़ यात्रुणं गी सहूलत होग। पिछले ब'रे दे मकाबले इस ब'रे 2 जहार 8 सौ मती रेल गडिडयां चलाइयां जा'रदियां न।

<><><><><><>

US Election

अमरीका च नमें राष्ट्रपति चुनावं लेई अज्ज मतदान होग। रिपब्लिक पार्टी दे डोनाल्ड ट्रंप ते डेमोक्रेटिक पार्टी कमला हैरिस बशकार राष्ट्रपति दे औहदे लेई कड़ा मकाबला ऐ। जियां कि अमरीका च समय दे बक्ख-बक्ख जोन न, इसलेई उत्थें मतदान भारतीय समें मूजब अज्ज साढ़े 5 थमां साढ़े 7 बशकार शुरू होग ते केई मतदान केन्द्रें च कल साढ़े 5 थमां साढ़े 7 बजे तोड़ी मतदान होग। केई लोकें डाक राएं अगगे गै मतदान करी दित्ता ऐ।

<><><><><><>

Amit Shah

केन्द्री गृहमंत्री अमित शाह होरें आखेआ जे भारत इकलौता ऐसा मुख्य ऐ जित्थें 11 भाषाएं गी शास्त्रीय भाषाएं दे तौर पर मानयता दित्ती गई ऐ। उनें एह गल्ल नमीं दिल्ली च केन्द्रीय हिंदी समिति दी 32मीं बैठक दी अध्यक्षता करदे होई आक्खी। उनें आखेआ जे हिंदी गी मजबूत करने आस्तै 2 प्रमुख गैह पुट्टने दी लोड़ ऐ। हिंदी साहित्य गी प्रोत्साहन ते संरक्षण ते आधुनिक पाठ्यक्रमें गी हिंदी ते होर दुई भारतीय भाषाएं च उपलब्ध करोआने दी लोड़ ऐ। उनें आखेआ जे हिंदी गी हर थाहर पर स्वीकारे जाना लोड़चदा। बैठक च केन्द्रीय सेहत ते परोआर कल्याण मंत्री जे.पी.नड्डा, शिक्षा मंत्री धर्मेन्द्र प्रधान, विधि ते न्याह राज्य मंत्री ते संसदीय राज्य मंत्री बी मजुद हे। गृहमंत्री होरें आखेआ जे 2014 थमां 24 तगर भारतीय भाषाएं दे संरक्षण ते उनेंगी बढ़ावा देने आस्तै नेकां गैह पुट्टियां गेइयां न।

<><><><><><>

FTII

भारतीय फिल्म ते टेलीविजन संस्थान एफटीआईआई दे इक विद्यार्थी दी फिल्म Sunflowers were the First Ones ti know नै ऑस्कर दी लाइव एक्शन लघु फिल्म श्रेणी आस्तै क्वालीफाई करी लैता ऐ। भारतीय लोक कथा ते परम्पराएं थमां प्रेरित, कन्नड़ भाषा दी इस फिल्म दा निदेशन चेडानानडा एस.नायक नै कीता ऐ। फिल्म नै इस बरे कान्स फिल्म फेस्टिवल च पैहला पुरस्कार जित्तेआ हा। माहिरें एहदी कथा वाचन शैली ते कुशल निदेशन दी सराहना कीती। एह फिल्म दशकें गी भारतीय संस्कृति ते कथा वाचन परम्परा कनै जोड़दी ऐ।

फिल्म दी सफलता च सूरज ठाकुर दी सिनेमाटोग्राफली, मनोज वी. दा संपादन ते अभिषेक कदम दे साउंड डिजाइन सनें प्रतिभाशाली टीम दी महारत दा बड्डा योगदान ऐ।

<><><><><><>

Pakistan Law

पाकिस्तान दी राश्ट्री असेंबली नै कल फौज सरबन्धी अपने कनूनें च तरमीम कीती। जेह्दे च फौज दे प्रमुख सेवा अवधि 3 थमां बधाइयै 5 तोड़ी करी दित्ती गई ऐ। ते कन्नै गै सुप्रीम कोर्ट दे जजों दी गिनतरी बी दो गुणी करी दित्ती गई ऐ। विरोधी पार्टिएं दे विरोध दे बावजूद इनें संशोधित बिलें गी पास कीता गेआ। जेकर आसिफ अली जरदारी, इनें बिलें पर दस्तखत करदे न ते एह् संशोधन फौज दे मजूदा प्रमुखें पर बी लागू होंगन, एह्दे इलावा सुप्रीम कोर्ट दी जजों दी गिनतरी 17 थमां 34 करने सरबन्धी बिल गी पास करी दित्ता गेआ ऐ।

<><><><><><>

Tennis

टेनिस च भारत दे रित्विक चौधरी बोलीपल्ली अपने जोड़ीदार कैब्रेल कन्नै फ्रांस च खेड्डी जा'रदी मोसेल ओपन दे मर्दे दे डबल्स क्वार्टफाईनल च पुज्जी गे न। उनेंगी फ्रांस दी जोड़ी ऑरथर कजौक्स ते हैरॉल्ड मैयॉत पर वॉकओवर थोने कारण अगले दौर च प्रवेश थोआ। क्वार्टफाईल च उंदा मुकाबला मैक्सिको दे सैंटियागो गोंजालेस ते फ्रांस दे एडवर्ड रोजर दी जोड़ी कन्नै होग।

<><><><><><>